



Kattusseqatigiit Partiiat

19. februar 2009
Anthon Frederiksen

Inatsisartut suleriaasianni § 36 imm. 1 naapertorlugu apeqquteqaat imaattoq Naalakkersuisunut ingerlateqqippara:

Naalakkersuisunut apeqqutit:

1. Sooruna, ilinniartut meerartaqanngitsut imaluunniit suli ilaqutaqalersimanngitsut, pisattamik nuunneqarnissaannut akiliunneqarsinnaanngitsut ?
2. Sooruna, ilinniartut ilaat meerartaqanngitsut Danmark-imi imaluunniit nunani allani ilinniakkaminnik nangitsiniarnerminnut atatillugu pisattamik nassiunnerannut tapiiffigineqarsinnaanngitsut ?
3. Ilinniartut assigiinngisikkumanagit, meerartaqarpata meerartaqanngippataluunniit, Danmark-imi imaluunniit nunani allani ilinniakkaminnik nangitserusuttut pisattaminnik akiliunneqartarsinnaanerit anguniarlugu Naalakkersuisut qanoq iliorniarpat ?
(inatsisartunut ilaasortaq Anthon Frederiksen, Kattusseqatigiit Partiiat)

Tunngavilersuut:

Naalakkersuineramik suliaqartungut tamatta piumavarput kissaatigalugulu – inuusuttortavut ilinniaqassasut aamm piumaqaarput Nammineernerulissasungut. Ilinniartitaanikkut qaffassarneq aqputigalugu tikisitarpassuit nunaqavissunik taarseriartuaarneqarnissaat angujumallungu.

Taamaakkaluortoq ilinniartortavut, pingaartumik qaffasinnerunik ilinniagaqartut aamma nunatta avataani ilinniarnissaminnik nangitsiniartut – soorlu assersuutigalugu Ilisimatusarfimmi ilinniartut meeraqanngitsut aappaqanngitsullu, nunatta avataani ilinniakkaminnik nangitserusuttut – angalanissamut pisataminninnguamik, atuakkat, fjernsyn-ip pisariaqartitallu allat, minnerunngitsumik atuagarpaalussuit – immaq taamaallaat comtainer-i mikineq ataaseq – taassuma nuunniissaannut Namminersornerullutik Oqartussaniit akilerneqarsinnaanngilaq. Naak

illua-tungaani ilinniartut ilaqtallit aamma meerartallit periarfissamik tamatuminnga atuisinnaangaluartut.

Taamaattumik ilinniartunik assigiinngisitsisoqannginnissaa anguniarlungu naalakkersuisut ilinniartunut pitsaanagerusunik periarfissiinissaa anguniarlungu apeqquiti qulaani taaneqartut ingerlateqqippavut.

Ullut qulit qaangiutsinnangit akineqarnissarput naatsorsuutingaarput.